

隨緣展手心無倦 願人人懷吉善捨一文錢亦是行方便休  
笑山侗無識見內養靈明自有長生驗

### 贈李哥緣再要出家

李先生難捨俗出去還來壞了崑山玉覆水重收絃斷續一事  
無成惹得空撈漉 悔前非明性燭火滅煙消心上休懷毒欲  
與馬風閑廝逐直待年深看透伊心腹

### 勸李哥

羊兒皮虎兒質害物心機晝夜無寧息雖惡肯將兒子食休逞  
威風真性宜調習 親非親識非識雲水清閑內外常遊歷日  
用三食憑乞食滅盡無明便是波羅密

### 道藏輯要

漸悟集

哭

胃集七  
川八十一

### 鄉中上街求乞

捨家緣須用斧劈碎恩山豈肯重修補猛烈灰心尋出路自在  
逍遙認箇清閑處 有因緣方可悟改變衣裝道服惟麻布莫  
訝鄉中求乞去滅盡無明直上青霄步

### 和師韻

清淨門柔弱戶忍辱家風樸實爲公據無作無爲成活路自在  
逍遙雲水通行步 絕聰明効愚魯兀兀騰騰不起閑思慮面  
垢頭蓬身糞土萬事俱忘堪應三清舉

### 李公實索慵軒詞

不梳頭不洗面餒在其中喫飯心懷倦無病閑眠身懶轉有客

來尋問著仍慵喘 不燒香不禮念落魄婪耽酬了今生願日  
用不勤功怎見紫詔來宣大道無爲顯

懷甯伯功惠鞋

清叟冠伯功履見惠山洞別有非常意使我頂天並立地俯仰  
觀瞻無作兼無愧 得斯因無限喜出戶迎賓何患殊無禮更  
向就中搜奧旨上下沖和得赴青霄裏

瑞鷓鴣

寄華清道眾

環墻圍合洞中天瑞氣祥光愈接連白鹿懷中常穩坐青牛背  
上得閉眠 驪山不到經三載華岳相違近四年霞友雲朋應

道藏輯要

漸悟集

兜

胃集七  
川〇八

怪我爭知此處結金蓮

勸道友

清虛雖好戀家緣住甚因由上得天頂戴恩山猶論道身居苦  
海尙擎拳 是非窟裏功難就名利叢中果怎圓若不同頭尋  
出路如何只恁做神仙

住環堵

冬雖無火抱元陽夏絕清泉飲玉漿蠟燭不燒明性燭沉香無  
用熱心香 三年赤腳三年願一志青霄一志長守服山洞環  
堵內無恩相報害風王

過楊柳渡